

## USELIO SE EFENDIJA

Više smo puta izvještavali o toku adaptacije imamske ili hodžinske kuće u Grbavcima i sa velikim zadovoljstvom možemo objaviti da su u ovim mubarek danima radovi uveliko okončani i da je objekat doveden u funkcionalno stanje za stanovanje. Tako se naš efendija Ibrahim Karabegović sa svojom porodicom uselio u džematsku kuću i kao što vidimo, udobno smjestio.



Osim što ćemo sada efendiju imati stalno na raspolaganju, čime će biti unaprijeđen vjerski život u selu, treba istaci i činjenicu da smo na ovaj način dobili još jednu porodicu u Grbavcima sa mladim članovima. Za sada Ibrahim efendija ima jednog jedanestomjesečnog sina, a akobogda biće još podmlatka, i svima njima želimo iskrenu dobrodošlicu u naše mjesto.



U kući su stvoreni osnovni uslovi za stanovanje, priključeni su voda i struja, a treba još riješiti pitanje odvođa otpadnih voda i urediti prilaz objektu, što će se učiniti u narednom periodu. Ovu akciju su najvećim dijelom vodili Hasan Šahbegović, i hadžija Velid Kadrić i neka ih dragi Allah nagradi za uloženi trud.